



23. April 2026

UPA2026/28

Namminersorlutik Oqartussat siunnersuummik uannga akuersinissaannut Inatsisartut aalajangiiffigisassaattut siunnersuut: Akiligassatigut isumaqatigiissutit pillugit inatsisip Kalaallit Nunaanni atuutsinneqalernissaanik peqqussut

(Nunanut Allanut, Inuutissarsiutinut Aatsitassanullu Naalakkersuisoq)

Siunnersuut una saqqummiunneqartoq Kalaallit Nunaanni aningaasatigut isumaqatigiissutinut inatsimmik nutarterneqarsimasumik akuersinissamut tunngavoq.

Siunnersuutip imarisai eqqarsaatigalugit, pineqartoq tassaavoq atuisut pitsaanerusumik illersorneqarnissaat kiisalu nunatsinni aningaaserinermut atatillugu inatsisit pitsaanerusumik ullutsinnut naleqqussarnissaat.

Ullumikkut nunatsinni inatsisit tunngavigineqartut 1980-ikkunneersut aallaaveqarput. Taamaattumik taakku ullutsinnut naleqqukkunnaarsimapput, ingammik soorlu SMS-ikkut imaluunniit internet-ikkut aningaasatigut atukkiisarnerit nutaat eqqarsaatigalugit.

Taamaattumik pisariaqartinneqarpoq inatsisit inuiaqatigiinni ineriartortunut malinnaasarnissaat, aammalu innuttaasut aningaasatigut ajornartorsiuleratarsinnaanerannut pinaveersaartitsineq pitsaanerusoq anguniarlugu.

Siunnersuutikkut pingaarnerusutigut arlallit pitsanngorsarneqarput:

Siullermik paasiuminartumik paasissutissiisarneq annertusineqarpoq, taamaalilluni innuttaasut aningaasatigut isumaqatigiissuteqalersinnatik paasissutissanik amerlanerusunik erseqqissunillu pisinnaalissapput, ilaatigut aningaasartuutit tamakkerlugit naatsorsorneqartut (ÅOP) ilanngullugit.

Aappasaanik ullu 14-it ingerlaneranni isumaqatigiissummik aalajangiussineq kingorna allanngortitsisinnaaneq periarfissaalerpoq, taamaalilluni innuttaasut isumaqatigiissutit eqqarsaatigeqqereerlugit aalajangiisinaallutik.

Pingajusnaanik aningaasatigut pisinnaassutsimik nalilersuisarneq aalajangersarneqarpoq, taamaalilluni aningaasaliisartut innuttaasut akilersinnaassusaannik nalilersuinissamik pisussaaffilerneqarlutik.

Tamakku tamarmik innuttaasunut aningaasatigut pitsaanerusumik illersuineranut aammalu akiitsulernerup pinaveersaartinneqarnissaanut iluaqutaassapput.

Ilutigalugu oqaatigineqassaaq siunnersuut inatsisilerituunik aqqissuussineranut annertunerusumut ilaavoq, Kalaallit Nunaanni inatsisit ataatsimoortumik ineriartortinneqarnissaat anguniarlugu.



Uagut tungitsinni innuttaasunut pitsaanusumik illersuinissaq anguniarlugu eqqarsaat pitsaasutut isigaarput. Taamaattumik pingaaruteqarpoq aamma nunatsinni pissutsinut naapertuunna, taamaalilluni inatsit Kalaallit Nunaanni atornegarsinnaasumik pitsaasumik atornegarsinnaassamat.

Taamatut oqaaseqarluta siunnersuut Siumumiit taperserparput taamatullu isikkoqartillugu appasaaneerneqarnissaa innersuussutigalutigu.

Erik Jensen, Siumut